

LEWES, ERASMUS (1663?-1745), clericwr

Enw: Erasmus Lewes
Dyddiad geni: 1663?
Dyddiad marw: 1745
Rhiant: John Lewes
Rhyw: Gwryw
Galwedigaeth: clericwr
Maes gweithgaredd: Crefydd
Awdur: William Llewelyn Davies

Y chweched a'r ieuengaf o feibion Capten John Lewes (isod), Gernos, plwyf Llangunllo ('Llanvayer ' yn ôl Foster, *Alumni Oxonienses*), Sir Aberteifi. Ymaelododd yng Ngholeg Iesu, Rhydychen, 22 Chwefror 1683/4, yn 20 oed, gan raddio yn 1688. Ar 16 Mehefin 1692 daeth yn ficer Roch, ac ar 5 Mawrth 1694 yn ficer Brawdy - y ddwy fywoliaeth hyn yn Sir Benfro. Yn 1695 daeth yn rheithor Betws Bledrws ac yn ficer Llanbedr-Pont-Steffan. Y mae [S. R. Meyrick](#) (*The History and Antiquities of the County of Cardigan*) yn argraffu'r geiriau sydd ar dabled coffa iddo yn eglwys Llanbedr-pont-Steffan; dywedir yno iddo farw 19 Chwefror 1744/5 yn 82 oed. Yn N.L.W. MS. 510 ceir pregethau Saesneg yn ei lawysgrifen, rhai ohonynt wedi eu hysgrifennu yn 1693; yn N.L.W. MS. 744 y mae nodiadau cyffredinol ganddo yn Saesneg ac yn Lladin.

Y mae ei dad, JOHN LEWES, yn haeddu ei goffâu am mai 'wrth Arch y Parchedig Capten Lewes o'r Gernos ' yr ymgymerth [Moses Williams](#) â'r gwaith o gyfieithu *Companion to the Altar* (Vickers) yn Gymraeg. Argraffwyd y gwaith yn Llundain yn 1715 o dan y teitl *Cydymmaith i'r Allor, Yn dangos, Anian ac Angen-rhndrwydd Ymbaratoad Sacrafennaidd, Modd y derbynniom y Cymmun Bendigedig yn Deilwng*.

Awdur

Syr William Llewelyn Davies, (1887 - 1952)

Ffynonellau

At y ffynonellau a enwyd ychwaneger *NLW MS 1626*

West Wales Historical Records (1910–29). iii, 265-6

Foster, *Mynegai i 'Composition Books' yr esgobion yn y P.R.O. Y mae'r mynegai gwreiddiol yntau yn y P.R.O., ond y mae copiâu ar gael, e.e. yn N.L.W. MSS. 1626–7. Cyhoeddwyd rhan o'r mynegai, am y cyfnod 1800–40, yn *Index Ecclesiasticus*, 1890*

Ifano Jones, *A history of printing and printers in Wales to 1810, and of successive and related printers to 1923* (Cardiff 1925), 36

Dolenni Ychwanegol

Wikidata: [Q5384966](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.